



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87 Ա

« 06 » 04 2022թ.

Ո Ր Ո Շ ՈՒ Մ No. 992/19-Ա

Դրոշմանիշային վճարի գծով չկատարված պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Արման Մնացականյանս, քննարկելով անհատ ձեռնարկատեր Արամ Կոստանդյանի վերաբերյալ վարչական վարույթի նյութերը,

Պ Ա Ր Զ Ե Ց Ի

Համաձայն եկամտային հարկի և սոցիալական վճարի ամսական հաշվարկների, շահութահարկի տարեկան հաշվարկի և միկրոձեռնարկատիրության սուբյեկտի իրացման շրջանառության վերաբերյալ հաշվետվությունների՝ անհատ ձեռնարկատեր Արամ Կոստանդյանի (ՀՎՀՀ՝ 40550116, ՀԾՀ՝ 3505840289, անձն.՝ AS0448919, հասցե՝ Կոտայք. Չարենցավան, 5թղմ., 8 շ., 35 բն., պետ. հաշվառման համարը՝ 39.812880) նկատմամբ 18.03.2022թ. հարուցված վարչական վարույթի շրջանակներում դրոշմանիշային վճարի գծով գանձման ենթակա պարտավորությունը կազմում է 155.000 ՀՀ դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված դրոշմանիշային վճարի գծով պարտավորությունը գանձելու վերաբերյալ՝ վարչական ակտ ընդունելու նպատակով, որի մասին հարկ վճարողը պատշաճ կերպով ծանուցվել է, սակայն չի ներկայացել վարույթի նյութերին ծանոթանալու համար և որևէ բացատրություն չի տվել:

Արամ Կոստանդյան Ա/Ձ-ի կողմից 13.01.2022թ-ին ներկայացված 2021թ. միկրոձեռնարկատիրության սուբյեկտի իրացման շրջանառության վերաբերյալ հաշվետվության արդյունքում դրոշմանիշային վճարի գծով առաջացել է 48.000 ՀՀ դրամ պարտավորություն, ինչի վճարման ժամկետը սահմանված է մինչև 20.04.2022թ-ը:

Նկատի ունենալով, որ 2021թ-ի սեպտեմբեր ամսվանից դրոշմանիշային վճարի գծով պարտավորությունների առկայության դեպքում վարչարարությունն իրականացվում է էլեկտրոնային ծրագրի միջոցով, ուստի սույն որոշման մեջ չի ներառվում Արամ Կոստանդյան Ա/Ձ-ի կողմից 2021թ-ի սեպտեմբեր-դեկտեմբեր, 2022թ-ի հունվար-փետրվար ամիսների համար ներկայացված եկամտային հարկի և սոցիալական վճարի ամսական հաշվարկներով առաջացած 34.500 դրամ գումարը:

Արդյունքում՝ սույն որոշմամբ գանձման ենթակա օրենքով սահմանված ժամկետում չկատարված դրոշմանիշային վճարի գծով պարտավորությունը կազմում է **72.500 ՀՀ դրամ**, որն առաջացել է 2019թ-ի նոյեմբեր-դեկտեմբեր, 2020թ-ի հունվար-դեկտեմբեր, 2021թ-ի հունվար-օգոստոս ամիսների համար ներկայացված եկամտային հարկի և սոցիալական



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am

վճարի ամսական հաշվարկներից, 2019թ-ի շահութահարկի տարեկան հաշվարկից և 2020թ-ի միկրոձեռնարկատիրության սուբյեկտի իրացման շրջանառության վերաբերյալ հաշվետվությունից:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասին 64-րդ, 66-րդ կետերով, «Հարկային ծառայության մասին» ՀՀ օրենքի 4-րդ հոդվածի 6-րդ մասով, «Հայաստանի Հանրապետության պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի 13-րդ, 14-րդ, 15-րդ հոդվածներով և «Վարչարարության հիմունքների և վարչական վարույթի մասին» ՀՀ օրենքի 55-րդ, 56-րդ, 58-րդ, 59-րդ, 88-րդ հոդվածներով,

Ո Ր Ո Շ Ե Ց Ի

1. Արամ Կոստանդյան Ա/Ձ-ից գանձել **72.500 ՀՀ դրամ** դրոշմանիշային վճարի գծով պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ, 71-րդ հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ



Ա. ՄԱՅԱԿԱՆՅԱՆ

ԾԱՆՈԹՈՒԹՅՈՒՆ՝

Հարկ վճարողի չկատարված պարտավորությունների գանձման վերաբերյալ հարկային մարմնում առկա մեկից ավելի վարույթների շրջանակներում ընդունված և ուժի մեջ մտած որոշումներով գանձման ենթակա ընդհանուր պարտավորությունը 1.500.000 ՀՀ դրամ գումարը գերազանցելու դեպքում, որոշումներն ուժի մեջ մտնելուց հետո մեկ աշխատանքային օրվա ընթացքում հարկային պարտավորությունների վճարման անհնարինության վերաբերյալ բավարար ապացույցներ ներկայացվելու դեպքում, եթե դրանք ՀՀ պետական եկամուտների կոմիտեի կողմից կհամարվեն հիմնավոր, հարկային մարմինը ՀՀ հարկային օրենսգրքով սահմանված արգելադրման գործընթաց չի իրականացնի:

Կատարող՝ ԻՎ հարկադիր գանձման և պարտավորությունների կատարման ապահովման բաժնի առաջատար մասնագետ
Աննա Պետրոսյան, հեռ.010-30-91-91 /91-69/:



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am